



Remitarium Camaldulense S. P. Romualdi
Dex Legato M. D. Feliciani de Inogorzow W.
sonicz Cap. Haruf. G. P. eo.

A. VI. 12

ILLUSTRISSIMO
Ac
REVERENDISSIMO PRINCIPI.
ET
DOMINO
D^{no}. VENCESLAO
DE
LESZNO LESZCZYNSKI
S.R.I. PRINCIPI,
COMITI de LESZNO.
EPISCOPO WARMIENSI.

Domino ac Patrono gratiosissimo

Habet hoc omnis historia ,
quà prisca , quà recen-
tior , præcipuum , ut &
novitios lectores mirifica voluptate
oblectet , & eos , qui jam lege-
runt , jucundissima cogitatione re-
ficiat. Quam suave enim est in hi-

Ad Varsavia () 21^{am} storia*

storia divagari? quam jucundum
sine labore, modo hæc, modo illa
loca intueri, bellis sine periculo in-
teresse, quæ ab Assyriis, quæ ab
Ægyptijs, Persis & Medis, Græ-
cis, aliisque antiquioribus populis
gesta sunt, ex brevibus pagellis co-
gnoscere; à literâ, per se mutâ,
doceri; cum Themistocle in mari;
cum Leonida in terra pugnare, cum
Agésilao trajicere; cum Xenophon-
te incolumem redire: amare cum
Panthea; venari cum Cyro; re-
gnare cum Cyaxari. Charybdin
videre, sed sine naufragio; & Si-
renas audire, sed sine vinculis:
cum Cyclope agere, sed miti & pa-
cato; cum Hercule monstra debel-
lare, sed sine sanguine? Hæc &
similia plura alia quem non ma-
ximoperè afficiant, neminem repe-
rire

rire licet; & quidem ita, ut quod-
cunque quis vitæ genus sectetur,
narrationes tamen non minus amet
historicas, quam cætera ad inti-
mos artis suæ recessus pertinentia.
Theologus quæ ad J. Ciumpertinent,
spernit; J. Cius quæ ad Medicum.
Omnes tamen Historiam veneran-
tur, non quod delectet solum, sed
& quod facultatem ipsorum con-
summet, & perficiat. Utut vero
historia ex antiquitate ut pluri-
mum commendetur, attamen si-
cut præclara quæque facere perso-
narum, non semper temporum dos
est, sic & concinno stylo præclarè
acta gestaque publicare, non ma-
gis præsentis est, quam illius sæcu-
li. Neque n. omnia apud priores
meliora, sed nostra quoque ætas
multa laudis & artium imitanda.

posteris tulit. Hinc & recentior
historia, si solerti diligentia in lite-
ras emissa fuerit, licet res sub no-
stris oculis gestas contineat, novita-
te sua non minus quam recentes
telluris fructus, jucunda esse legen-
tibus consuevit. Qualis cum & hæc
præsens de Jubilæo proximo episto-
lica dissertatio à Nobilissimo Juvene
(etsi non hoc edendi fine, ut conjicio)
exarata & mihi & aliis visa fuerit,
æquum esse judicavi, eam nitidio-
ribus typis exscriptam bono publico
non invidere. Prospicienti vero mi-
hi, cujus nomini eandem consecra-
tam emitterem, omnino Tibi, Præ-
sul Celsissime, eam inscribere & de-
bui & volui. Debui, ut cum Tu
hujus Jubilæi pars magna fueris,
duplicemque in eodem personam
magna tua cum gloria, avitarum-
que

que laudum incremento, sustinueris, hic tanquam in speculo, tua prudenter & graviter gesta, & dicta, cernas, eaque & nunc & in posterum, in pretio fore intelligas. Volui, ut pro tanto benevolentiae & beneficentiae Tuæ cumulo, singularique illa erga me humanitate gratum animum ostenderem, & cum tot in me collata beneficia retaliare non possim, sempiterna tamen memoria illa me excolere, indiesque revolvere aliquomodo testatum facerem. Tu vero Domine gratiosissime, suscipe quicquid est muneris, quod etsi Tuæ Dignitati nullum augmentum addere possit, tamen quia de te etiam loquitur, tanto magis à posteritate commendabitur. Deus Te Episcopatui, omnibusque bonis ad multos annos incolu-

*memservet. Dabam Varsaviæ 1d.
Aug. 1652.*

Illustrissimæ ac Reverendissi-
mæ Celsitudinis Tuæ

Devotissimus Cliens
GEORGIUS FORSTERUS.
S. R. M. Bibliopola.

ILLV-

2
ILLVSTRISSIMO
COMITI AC DOMINO
MENARDO
COMITI
DE
BEAUMONT.

Salutem & cultum
LUTETIAM PARISIORUM.

Illustrissime Comes.



Escio quousque pergam ,
sed hoc animo ordior , ut ,
quem sedente INNOCEN-
TIO X vixi Romæ AN-
NUM 70 BILÆI Illustrissimę
dignitati Tuę quomodocunque re-
præsentem. Scio non styli mei , non
ætatis, res magnas, & pagellas annales
scribere: sed, quod res est, dicam:
prævalet apud me Tui cultus, & cüm
iteratò, ac amicissimè, quâ Tu in
magnâ fortunâ magnâ humanitate,
hanc rem me poscas, ego verò hæte-

A 5 nus.

nus inter verecundiam & audaciam
 medius, per obsequium meritò, lu-
 bens, & alacriter nunc adgredior.
 Non præfabor autem, sive Bonifacius
 VIII Jubilæi apud Romam autor,
 sive instaurator. illud lego, *Anno*
CLXXX ad certitudinem præsentium,
& memoriam futurorum solenniter in-
 dixisse: unde colligere, ajunt, jam
 tum antea innotuisse, incuriosâ po-
 sterorum vetustate. quamvis ultra
 quidam heic progressi, supra omnes
 Bonifacios, ac Benedictos tenebrico-
 sam hanc Jubilæorum partitudinem
 audacius adstruant: & quid non, quæ-
 so, adrogantiæ circumforaneis philo-
 ris de Anno Sancto, quæ mihi oppor-
 tunè nunc ad manus. *L' anno santo*
ajunt nostro vuole Polidoro Vergilio, che
fusse instituto da Bonifacio VIII. per-
che esso fu il primo che sopra di quello pro-
mo!gò Bolle: M A S' I N G A N-
N A. perche avanti gli tempi di questo
 Papa, che governò la chiesa nell' anno
 1300 era in uso: il che si raccoglie dalla
 sua

sua bolla stessa, dove dice : Antiquorum fida habet relatio &c. E nelle storie della Madonna di Monte serrato si dice, ch' il fondatore di quella chiesa, essendo caduto in un peccato di carne, venne a Roma per acquistar l'indulgenza. per esser in quel tempo in Roma l' anno dell' indulgenze, e pur è cosa certa, detta chiesa essere stata, fabricata 600 anni prima di Bonifatio ottavo. E Giacomo Cardinale di S. Georgio, nipote di detto Papa, che si trovò nell' anno 1300 quando Bonifacio fece la Bolla dell' anno santo, narra in un suo libretto dell' anno santo, come nelli vesperi della vigilia di natale dell' anno 1299 era concorsa una grandissima quantita, tanto di Romani, quanto di Forastieri, alla Basilica di S. Pietro : frâ quali comunemente si diceva, esservi quel giorno una grandissima indulgenza, concessa già da

ANTICO TEMPO : Dice in oltre ch' al primo Gennaro 1300 moltiplicò in Roma talmente la moltitudine de' fedeli, ch' impedendosi l' uno l' altro, a pena si poteva cammar per le strade, del

che restò il Papa fuor di modo maravigliato , ed essendosi per ordine suo , voltati molti **LIBRI ANTICHI E BOLLE DE SVOI PREDECESSORI**, **NON FV TROVATA COSA ALCVNA** scritta intorno a tal **SOLENNITA**. Inspirato dunque da Dio fece investigare frâ i piu vecchi, e fu trovato un **PELLEGRINO DI CENTO E SETTE ANNI**. il quale alla presenza del Papa e del suddetto Cardinale disse, ch'era stato **CON SUO PADRE A ROMA L'ANNO CENTESIMO PRECEDENTE**, e ch'il detto suo Padre l'haveva avvisato che non si scordasse nel futuro **CENTESIMO** (essendo vivo) venire di nuovo, atteso ch' in ciaschedun giorno del sudetto anno si guadagnavano grandissime indulgenze. Altri due Francesi dissero il medesimo come testimonii di vista : e molti altri per haverlo udito da suoi maggiori, fecero l'istessa testimonianza. &c paulo post :

post : *questo dunque* SI SA DI
CERTO *che ha havuto principio*
MOLTI ANNI AVANTI
A BONIFACIO. Nec id cir-
cumforanæ tantum philyræ, sed &
præclari cætera nominis alii commen-
tati. quorum tamen & anonymi &
duo illi ex Belvacensi (nam & hoc ad-
dit Benzanius) Galliarum diœcesi ca-
pulares ac depontani testes, quorum
effatu omnis hæc adsertio stat, cadit-
que, utrum æquè verè Jubilæo illi,
adfuerint, interfuerint, viderint,
quam inter Deos relatis, ac sublimè
abeuntibus Romulo, Augusto ac Dru-
sillæ, compertum est interfuisse, ad-
fuisse, Geminium, Numerium, Pro-
culum; an pari fide ab aliis fando mor-
tualia ista acceperint, aut simili fortè
vi illecti, qua illi à Patribus, hæc tunc
ita adtestati, non est apud Te, non est
meum pluribus arbitrari. Sed nec
porro locus heic adscribere, seculum
Bonifacii VIII. Clementem VI. ad
annum L. Urbanum VI. ad annum

XXXIII. denique Paulum secundum ad annum XXV. restrinxisse: nam cui, amabo, fini? Nimirum odi intempestivam M U S O N I I cuiuscumque sapientiam, & Annibalem doceat campestria Phormio, Apellem umbras, ac lineas Megabyssus: non ego. Nec Te, COMES ILLUSTRISSIME, hæc antiqua: qui divinâ complexus memoriâ res Majorum, hoc ipsum mihi vicissitudinis circa Jubilæorum Romæ indictiones, cum in Hippodromo Regio aliquando apud vos exercebamur Parisiis. (quod prolixo cum cultu Tui ac gratâ memoriâ hodieque meritissimo recolo) benevolentissimè edisertasti. hæreo tamen circa Urbanum VI. & numquid ille verè ad annum XXXIII. reduxit Jubilæa? Firmat scio, eclogarius jam citatus: *l'interstizio*, inquiens, *di un anno santo all'altro è stata da vari Pontifici in diversi tempi alterato Bonifacio VIII ordinò si celebrasse ogni cento anni. Clemente VI ogni cinquanta.*

quanta. URBANO SESTO
OGNI TRIGESIMO TER-
ZO : sed verè fatear ? etsi vocabulo
barbaro : brocardica materia mihi hic
est eliquator. Enimvero annon huic
Urbano VI quoque (quod de Ponti-
ficibus Canonistæ) pedes plumbei ?
vel numquid Bulla ejus inter Revoca-
tiones Pontificias referenda , quæ di-
cente Cardinale Tuscho , hodie non
habentur à Bonifacio IX eâdem fide-
liâ fors obducta, antiquata? Sanè apud
Thuanum , Sleidanum , Piascium :
quid ? quod apud scriptores sui sæculi,
ipsumque Platinam altum , siquidem
rectè memini , ejus silentium. Ut an-
num Jubilæum indixisse (an in pecto-
re potiùs reservasse ?) Urbanum VI
ad annum XXXIII fors dicendum
sit : at turbis variis exercitum ac præ-
peditum non celebrasse , nec hanc ite-
ratam Jubilæorum luxationem tum
probatam in quem sensum mihi curio-
sissimus talium scientissimusque præit
Amati : *Clemente VI* inquit , *ridusse*
l'anno

l'anno anto ad anni cinquanta, e lo celebrò Urbano VI. lo ridusse a **TREN-
TA TRE ANNI: MA SE-
CONDO ALCUNI L' IN-
DISSE SOLAMENTE, E
NON LO CELEBRO: *poi*
Bonifacio IX che le successe lo celebrò.
Quæ postrema tamen Amati verba
amico adjuvanda interpretatu: nam
secus? ambigui intellectus, & juxta
falsum. Ecquid enim sibi ista: *poi Bo-
nifacio IX che le successe celebrò?* an
quod Urbanus indixerat? isto nimi-
rum modo quo celebravit Sixtus IV.
quod Paulus II promulgaverat? ita
videtur arguere: & hoc ipso forse ex-
emplo inductus Pauli II. Verùm,
pace boni censoris dixero, memoriâ
si ita, lapsus est. Non si in annum
XXXIII. indixit Urbanus VI. qui
fuiſſet annus 1383 & non defunctus
Pontificatu ac vita niſi anno 1389
quomodo, quaſo, Bonifacius IX
potuit, quem Urbanus iſte in annum
83 ſeculi ſui indixerat, celebrare?
Cele-**

Celebravit autem annum Jubilæi Bonifacius IX. at non quem Urbanus, sed quem Clemens VI anno quolibet quinquagesimo celebrandum sanciverat, ipseque celebrârat. Brevius, Bonifacium VIII An. cIo ccc. Clementem VI. an cIo ccc l. Bonifacium IX an. cIo cccc celebrasse Jubilæum, per monumenta temporum res apriatur : Urbanum VI autem vel indixisse, vel celebrasse anno cIo ccc lxxxiii ingenuè fateor parùm liquere. Nisi annus (ut hoc addam) per halcyonia aut incrementa Ecclesiæ felix Pontificatu ejus fortè inciderit, nobiliori Jubilæi vocabulo insignitus : qualis Cardinali historico annus Christi est cccc l. Theodosio mortuo, Chrysaphio interfecto, Dioscoro criminali, aliisque lætus, felix, gratus Jubilæus : at nec istud. imo inquires Roma toto ejus Pontificatu, nec majoribus ferè unquam conflictata Italia cladibus : & rediivus Galba Taciti hic Urbanus,
major

major privato visus , dum privatus fuit , & consensu quorundam capax imperii , nisi imperasset. Quæ tamen ego instituti memor , non nunc latius : & sufficit dicere , quam Urbanus VIII anno hujus seculi xxv. die , qui proximè præcedit Natalem Christi, PORTAM SANCTAM Basilicæ Petrinæ terminando Jubilæo , pompaticè clausit, INNOCENTIUM X. hoc ipso die anni novissimi clo lxxcl JUBILÆO inquam ITERUM APERIUNDO : solennissimè relesasse. Jamque die Ascensionis , indictio universalis Jubilæi anni sancti millesimi sexcenti quinquagesimi solennis præcesserat Qua Innocentius Episcopus (verba Bullæ) Servus servorum Dei, universos Christi fideles adlocutus , ad Trophæa ac limina Apostolorum augusta , sancta , & quorum etsi illi Piscatores, ipsi ultro reges, principes facti erant Ostiarij benignissimè invitare. hinc utriusque sexus verè pænitentibus , & confessis

fessis qui Beatorum Petri & Pauli
 Apostolorum Basilicas Lateranensem
 quoque ac Sanctæ Mariæ Majoris ali-
 asve Urbis Ecclesias, semel saltem in
 die per triginta continuos aut inter-
 missos dies, si Romani, vel Incolæ
 urbis, seu per quindecim dies, si Pere-
 grini aut aliàs externi devotè visita-
 sent, & pro ipsorum fidelium, ac to-
 tius Christiani populi salute, pace &
 concordia pias ad Deum preces effu-
 dissent, plenissimam omnium peccato-
 rum suorum indulgentiam, remissio-
 nem ac veniam misericorditer imper-
 tiebatur. Admonere Patriarchas, Pri-
 mates, Archiepiscopos, Episcopos offi-
 cij, ut, adhibitâ prædicatione divini
 verbi, hoc gaudium Populis annuntia-
 rent, ut adducerent filios ad patrem,
 oves ad pastorem summum, membra
 ad Caput, fideles ad fidei Petram, ver-
 bo : ad Romanam ecclesiam, & ad
 gloriosos Principes Terræ, Petrum &
 Paulum : quorum fides, dignitas, &
 authoritas indigno etiam in hærede
 non

non deficeret. Denique hortari, rogare Imperatorem, Reges, Principes, pastorem sedulitatem ac vigilantiam adjuvare, ut Peregrini cum primis tutis incederent itineribus, nulla hominum perditorum vexatione perturbati, sed Hospitalibus, Domibus & publicis hospitibus amanter excepti; & com meatu & rebus ad vitam necessariis recreati, sine ulla concussionem & injuria institutum iter læti peragerent, & cum gaudio in patriam reverterentur: Quibus de iis qui stationes sacras obijissent constitutis, quid de Monialibus, quæso, tandem, quarum & votum & Regula vetat, claustris suis unquam egredi, ut nec facultas, vel cupidissimis, siue animi causâ, siue animæ Basilicas illas Jubilæi, ad eundi, venerandi? super illis speciali Bulla dispensabat Papa: ut imitatione quatuor Basilicarum, ad altaria quatuor, per ecclesiam vel Xystos monasterii, destinata, preces solennes triginta diebus funderent; ita futuræ indulgentia-

gentiarum plenissimè jubilæi participes. Ista autem paulo post : at post bullam indictionis proximè Suspensio quarumcunque Indulgentiarum toto Orbe , durante hoc anno universalis Jubilæi (cupientes, verba & ratio suspensionis , ut Christianæ Nationes ex omnibus terrarum Orbis locis in alma urbe nostra congregentur) publicari. Nisi quod Indulgentia Lauretanæ Domui speciali Bullâ aliâ, cum non minor ibi confluxus quàm Romæ populorum , confirmabatur : & hæc inter, Urbs ad decorem componebatur. Saturnalia interdicta, spectacula, theatra, ludi claudi, indictione Pontificiâ ut sive frontispicia seu fores quarumcunque Ecclesiarum nobiliore imagine sive Sancti, sive Sanctæ, cujus ibi cultus ac dedicatio præfulgerent, noscerentur. Delubra ipsa quæsitissimis decoris, aulæis, ornamentis adsurgerent ; dum interea , Annonæ alii , alii ædilitati seriò prospectare, frumentando, struendo, restaurando, quæ

quīs Roma Orbem Advenam opportunè reficeret, opportune hospitaretur. Igitur vigilā Natalis Fores Basilicarum IV Principum (qua ambage puto **VIM LIGANDI SOLVENDIQUE** denotasse) Clausæ, & Clerus Romanus dicam, an omnis Roma? incolæ, exteri, accolæ, dissiati, omnis ætas, omnis sexus in Vaticano, ac per adjacentia ejus turmatim confluitare, concurrere. Convenire circa vesperam Senatus Purpuratus, Episcopi, Oratores, Principes ac comitari Pontificem ad Sacellum Sixti. Ubi accendi, dari, universis singulis Cerei, ipsi quoque Pontifici: mox congeniculati omnes accingi solennibus ad Altaris sanctissimum precibus, quæ in hymnum tandem desinebant, *Veni Creator*. tum Pontifex in sublimi sella gestatoria, ipse sublimi habitu, ac mitra pretiosissima Pontificali præcinctus tempora, per gradus Palatii, ad vicinum templum D. Petri descendere: Legato Chri-

Christianissimi Vestri & Reip. Veneræ Principibus quoque Ludovisio & Justiniano, adsistentibus, ministrantibus. heic cum benedictione tres dimittebantur Cardinales, qui in Consistorio ultimo Legati fuerunt destinati, ad idem muneris h. e. aperiundæ Portæ sanctæ in Tribus Ecclesiis reliquis Jubilæi stationibus, obeundi. Suggestum Pontificalem cingebant gradus quibus Eminentissimi cæteri considerare. Contignationes quoque duæ subitaneum opus, è regione factæ. quarum altera Gynecæi, & heic, quod rarum per has oras Italiæ, feminas, nymphas, Principes, Duces, Nobiles, Decus gentis, gloriamque sexus videre erat, ac admirari: suggesti feminæ hujus Orchestræ, quasi ejus in meditullio, prominente; unde Pontificalis Affinis OLYMPIA cœteris altior, spectabatur. Altera designata Exteris (quos inter maximarum gentium felicissimi traduces, Illustrissimi Comitibus ZAMOISCIIUS ac
DON-

DONHOFFIUS mihi Patronus
 gratiosus, præfulgebant) cum cura
 Pontificis, ut eò à Reverendis. ac Il-
 lustris. Episcopo de Torofani, Patrono
 itidem meo observando, propensissimè
 conduceremur. Jamque Pontifex
 post nonnullos precum murmurillos
 pedes adire Portam, percutere (præ-
 bente malleum inauratum, ex argen-
 to, Archipresbytero Cardinale) mu-
 rum quò obstructa erat, voce comite:
aperite mihi Portas justitiæ, cantoribus
 respondentibus: *ingressus in eam confi-*
tebor Domino: pulsare iterum hoc effa-
 to: *Introibo in domum tuam Domine*:
 persequente antiph. *adorabo ad tem-*
plum sanctum tuum. Cumque tertio
 ictum mallei iteraverat, inquitens:
aperite portas, quoniam Dominus nobis-
cum est: choro invicem divinè ista mo-
 dulante: *qui fecit virtutem in Israel*,
 reddere malleum Cardinali, & ad se-
 dem revertebatur. Interim bis sex cæ-
 mentarii festinatis operis murum Por-
 tæ demoliebantur, quo remoto Pon-
 tifex

tifex depositâ mitrâ Portam subire, & heic variè succlamare; *Hæc dies est quam fecit Dominus. Beatus populus tuus, hæc est Porta Domini*, & quæ sunt talia Tibi conscia: nec adscribo porro Poenitentiarij hujus Ecclesiæ non illepido ritu antas Portæ hujus sanctæ lymphe lustrali recolere: donec finito Te Deum hymno Pontifex eâdem sellâ sublatus; Tandem quod solenne ac pompaticum erat, ad strepitum machinarum bellicarum castelli Archangeli, & inter adclamationes, & adplausus ætatis omnis, omnis sexus urbis universæ **HOC ADITU** Basilicarum omnium, quot sunt, quotque fors erunt, **DOMINAM** pompaticè, inquam pompaticè ingrederetur. Vix egressus autem cum comitatu, etiam cæmenta omnia portæ hujus sanctæ vanuerant: infinitâ illâ multitudine religionis causâ, sed & lucelli (nam numismata auræ, argentea, miscentur calci, quâ clauditur) specula, certè insano cum impetu

B diri-

diripiente. Ac diei quidem hujus, & quam mox dixi solennitatis, alta apud me vix unquam lababit memoria: sed quid dicam? & papyrus mea impar, & nunc in contrarium institutum magnificentius heic describendæ. Neque miraculi causâ, **ILLUSTRIS- SIME COMES**, sed jure, opinor, nego, majorem cujus- cunque splendorem Aulæ: & postquam in Pontificalibus Roma visa, & ad Portam sanctam, cumque Apo- theosis est, nemo heic majora speret, nemo præstoletur. Nisi quod majora tamen, fateor, Roma hoc seculo viderit cum **CRIGUIUS** ac **OS- SOLINIUS**, Maximorum Re- gum nostrorum Magni Legati, prodigiosâ pompâ ingressi Urbem: at hæc non Romanorum, sed exterorum spectacula: nec, quod magis est, nunc anni mei. Die Natalis sacra solennia super Altari, quod ab Urbano VIII Tumulo Apostolorum impositum, facta, ipso celebrante Pontifice, quibus

quibus peractis ad Pergulam (intel-
ligo quam *la loggia della Benedictione*
vocant Itali) portabatur, ac Be-
nedictionem numerosissimo populo,
qui in area D. Petri, ab primo crepu-
sculo ad meridiem usque metu (nec
inani) frequentiae confluxerat, stete-
rat, in forma Jubilei impertiri, re apud
curiosas nondum decisâ, utrum bom-
bi illi, ut sic dicam, tormentorum
Hadrianæ Molis, an plausus ac exul-
tatio tanti populi remotius penetrave-
rint. Inde Vultus, S. Crux Salvatoris
& lancea, quæ sedente Innocentio
VIII Byzantio missa, cum multis
alijs augendæ pietati exhibita, pariter
in ecclesijs reliquis Reliquiæ variæ,
varii pretii, ad D. Joan. Lateranen. pa-
tere abaton fœminis, ubi Arca Fœde-
ris, Virga Moysis, Scipio Aaronis, ali-
aque utili cultu asservantur, & ad se-
ram usque noctem per urbem plausus,
Jubila, & variorum varia veneratio.
Vigilia Circumcisionis vespere can-
tari in sacello Papæ, intervenientibus

Eminentissimis : Et hîc populi Romani Conservatoribus clementiâ Pontificiâ, magistratus prorogabatur. Sed Cathedra Romana D. Petri inter lætiora mihi Romæ festa. tangit Baronius feriam : non tangit talem tum aservatam vel umquam extitisse. quamquam id nec mirer, nec inquiram. Et audio Romæ, inquit Theodorus Studita, Claves etiam Principis Apostolorum Petri in honore & pretio haberi, cùm tamen ei Dominus non ex materia confectas claves dederit, sed eas, quæ ratione orationeque ligant & solvunt ; ipsi verò ex argento conflatas proponunt adorandas : quidni (addo ego) eâdem quoque dexterritate ingenii usi, proponerent Cathedram ? Adgnosco verò planè Baglionem heic inter myopes : cui hæc Cathedra lapidea visa, quæ omnino lignea, & cætera ferè, qualis hodieque Pontificum. Illa igitur ad T E D E U M super Altare summum elevabatur incredibili confluxu totâ die incli-

inclinantium, venerantium. in Quirinali huic Missa .ac per circos & conventicula non audire, quasi erat fatari populum, quam de Pontificatus origine, amplitudine, incrementis. Hoc tempore Legati Iberi Rodrigus de Mendoza & Princeps Cardinalis filius: (Cardinalis autem filius? imo Cardinalis. nam etiam viduis patet ad purpuram aditus? quid? quod ad Pontificatum quoque exemplo Guidonis Fulcodii, qui uxore mortuâ & liberis superstitibus primò Podiensis, postea Narbonensis Episcopus, tandem Pontifex ac Clemens IV. adpellatus. nec me fugit tamen Bulla Sixti V super Cardinalibus de anno 1588 tertio Nonas Decembris edita, in quâ hæc verba: *Cùm ad honorem adeò sublimem Cardinalatus promovendi omni virtutum & præsertim castimonie laude supra ceteros eminere debeant, qui verò filios alias ex uxore sua dignoscitur suscepisse certum nequeat suæ testimonium continen-*

tia exhibere &c. quapropter prohibemus ne aliquis, qui utriuslibet sexus filium seu filios legitimos vel nepotem seu nepotes ex eis habeat, ullatenus in Cardinalem assumi aut promoveri possit, ut nunc nostris moribus Dispensatio specialis intervenire necesse sit, ut talis assumatur:) Trivultius heic innotescebant, ad Audientiam Papæ Magnificentissimo adparatu introducti. Ac ille quidem Regis & negotiorum ordinarius in hac Aulâ ex Hispaniâ, adventare: iste Serenissimæ Mariæ Annæ Austriacæ, Regiæ Sponsæ Mediolano missus, & rituum. Enimverq miserat in Insu-
briam Pontifex Eminentissimum Ludovisium, ut Reginæ transeunti, inque Hispaniam propediem transfretaturæ, Benedictionem Apostolicam ad iter & thalamos regios Paternè annuntiaret: & nunc vice solitâ pietatem, devotionem, & obsequia Reginæ suæ erga Romanam sedem Trivultius solenni legatione istâ adtestabatur.

batur. Vulgabatur quoque inter ista Constitutio, circa statum Regularium in Italiâ & insulis adjacentibus, quâ secutus Synodi Tridentinæ, Clementis VIII Pauli V. & Urbani novissimi decreta publica; quibus injungitur, ut in singulis Monasteriis, & Domibus Regularibus tantum numerus constituatur, & in posterum conservetur, qui, vel redditibus propriis, vel conductis eleemosynis, commodè possit sustentari. INNOCENTIUS. X ex plenitudine potestatis, Præcipere ac Mandare omnib. & singulis Generalibus, Commissariis, ac quibuscunque aliis Superioribus Monasterior. Conventuum, Collegiorum, Regularium, Monachorum, cujuscunque ordinis Mendicantium, vel non Mendicantium, Congregationis, Societatis, Domus, ut adhibitis duobus vel tribus Regularibus sui ordinis probatoribus bona immobilia, census, redditus ac proventus omnes Monasteriorum, Conventuum, Collegio-

*rum , ac Domuum Regularium hujus-
modi sex annorum immediatè præce-
dentium habitû ratione ; Item vi-
ctus , vestitus , ac medicinalium , &
quascunque expensas alias , æris
quoque alieni , nec non Missarum ce-
lebrandarum Fabricæ , Sacristiæ , an-
nuarum præstationum , aliave cujus-
vis generis onera diligenter ac maturè
recognoscerent , eaque omnia , medio
juramento , in scripturam redacta , ac
consueto Sigillo obfignata , intrâ I V
à publicatione menses , destinatæ ad
id omne arbitrandum , ampliandum ,
restringendum , pro re natâ , Congre-
gationi Romanæ Cardinalium quo-
rundam Præfulumque submitterent :
imminenti poenâ Privationis , vocis
tam activæ , quàm passivæ , nec non
officiorum , qui tunc temporis obti-
nerent , refractariis , subdolis , cun-
ctabundis. Porro interdicare omni-
bus ac singulis Capitulis , Congre-
gationibus , Locisque omnibus supra-
dictis , ne deinceps quenquam ad ha-
bitum*

*bitum suæ Religionis reciperent , nec jam receptos ad Professionem admitterent , donec scripturæ prædictæ Congregationi Cardinalium ac Prælatorum realiter ac cum effectu exhibitæ, ac ab eadem Congregatione & ad habitum & ad professionem recipiendi licentiam obtinuissent. Ad-
dito ; Receptiones secus factas , non tantum non ipso jure fore nullas : sed & contravenientes sententiam excommunicationis incursumos , à quâ per alium quàm Romanum Pontificem , nec nisi in mortis articulo constituti , absolvi non possent. Hoc mense acris quoque contentio inter Pontificem ac Proregem Neapolis gliscere. quorum iste cùm aliis , tum Clero regni quoque tributum indixerat : Rege ac rebus sic exigentibus. obniti vi summâ Papa , ac trifulca portendere fulmina , quæ ipso jure jam incurrerat , nisi desisteret. Cui ille necessitatem , ac exigentiam ecclesiastici hujus sublevamenti pluribus deducebat. ad itinera*

Episcoporum, ad procurationem, ad
charitativa subsidia, ad alia commu-
nia onera, adstringi mutuo Clericos:
talia nunc esse. nec privatos itus, sed
expeditiones publicas, incremento
omnium, imminere; extra commercia
res esse Deo consecratas: obligari ta-
men posse. quid? quod alienari,
causâ redemptionis captivorum: nec
jam Cajum aut Sejum aliquem attine-
ri: sed quâ Thyrrenico mari adluitur,
juxta carceres ac compedes esse prope
totam Italiam, & quæ ejus argumen-
ti alia. Quæ inter Venetiis pro Cretâ
supplicationes ad omnia pulvinaria:
& Neapoli aliæ cum sanguine Janua-
rii Archiepiscopi leniendis Vesævi
incendiis. Serenissimus Parmæ exar-
torare quidquid exercitus sui supere-
rat, mutare consilia, aulam, omnia;
postquam capitali ultus Gofredum
Marchionem, aliosque supplicio, in-
felicis belli consultores. Dumque ista
alibi: Romæ microcosmus, & omni-
um gentium ac plagarum ferè orbis ad
statio-

stationes Jubilæi, promiscua & obstupenda heic multitudo. Sanè non Italia regio, non discretorum principatum, sed quanta quanta urbs una videbatur, continuis adventantium, reditantium itineribus multa millia Roma indies recipere: dimittere totidem: & sive hybernæ Alpes, seu æstivæ, idem ferè toto hoc anno sancto heic confluxus. Nec exterorum solummodo: sed (ut prædia, villas, pagos taceam) integrarum Italiæ civitatum; adeò ut Urbes plurimæ extorres penitus, ac viduæ, nec sine suspitione luis peregrinis sæpe visæ: quarum incolæ societate aliquot millium initâ Romam venerant, lucrando Jubilæo. Quâ occasione non omitto adscribere ordinem, quò hujusmodi Societates Urbem ingrediebantur. cùm ad suburbia ventum, qui vario itinere inopes, opulenti, plebeji, nobiles, venerant, certo loco congregari; tumque acies Religionis instruebatur. explicari signa, vexilla, insignia,

Divinæ Virginis, Patronorum, Patronarum simulacra, integræ machinæ. disponi Chori, indumenta (quæ ex telâ albicante, ac formâ sacci prominentis) faces, lampades, reliqua. dumque jam progressi, Societas alia Urbis obviam ire hospiti, in mutuos amplexus utrimque ruere, ac ad publica & spatiosa hospitia huic finidapsiliter instructa, laudabili sanè exemplo, deducere. idque plerumque sub vesperam. manè, processu simili, quatuor Jubilæi Ecclesiis novi hospites accingebantur. idem die proximo, ac sequenti: donec finitis (nam id concessum tandem tribus vicibus lucrari peregrinis intuitu annonæ, & confluxus) Stationibus, Palatium Quirinale aditare, ad Benedictionem Pontificis. atque ita tribus coenis publicis lautè excepti, ac Jubilæo, & mox dictâ Benedictione læti, die postera ad penates, pari pompâ, ac priori cum comitatu, revertebantur. Sed nec præter
rem

rem opinor planè fore, si laciniam laciniae additurus, nunc tribus verbis de his ipsis quatuor ecclesiis, quas Jubilæi lucrandi causâ isti, & cum illis omnes aditare. Ac initio Bonifacius VIII Jubilæum imperitari qui Limina Apostolorum h. e. Petri & Pauli salutaverant. quâs adjunxit suo tempore Ædem *LATERANENSEM* Clemens VI. donec non Sanctorum adire videretur sufficere limina Bonifacio IX: sed & Sanctæ: superadditâ ecclesiâ *D. MARIE MAJORIS*. Ultra verò hæc Basilicarum Jubilæi vocabula vix quidquam ausim progredi: nec exilis sanè crenæ meæ illas heic qualiter qualiter porrò adumbrasse, nec ad Jubilæum. Infamia autem, fateor, quod inquit Tacitus, sunt hodieque Vaticani loca; nec istatenus nisi per parafceves feriasque majores heic degit Pontifex: sed sunt admiranda quoque sunt admiranda, quod fors non

olim , imò exilia priscitus thea-
 tra ibi & Volupiae latebrę , ac Ne-
 ronis : hodie *APOSTOLORUM PRINCIPISACRA*
ÆDES, IMMENSA MO-
LES & cui parem sanè non vidit Or-
 bis , non videbit. Vovit Julius II.
 Papa , anno , ni fallor , *CLIOCVII*
 jecitque fundamenta : spe magis ac
 omine futurę magnitudinis , quàm ut
 & res modicę per tot bella ac vastita-
 tes , & tempus sufficerent. curam su-
 scēpēre porro successores. sed gloria
 operis seculo nostro reservata : eā ma-
 gnificentia à Paulo V. Borgeſio de-
 dicatum , quam immensę postea Ro-
 mę opes ornabunt potius , quàm au-
 gebunt. Machina inquit , nec ma-
 lè , *Tassonius* , *che contende co'l cielo ,*
guerreggia con l'abisso , con l'altrezza
souavanza i monti , con la profondità
sotto le vene della terra s' abassa : i cui fon-
damenti son larghi quanto gli altri tempi
son larghi , e profondi quanto le torri
de gli altri tempi son alte. Nimi-
 rum

rum Neapoli, Venetiis, Mediolani, Florentiæ, adstupemus alibi modicam amplitudinem, alibi symmetriam ac sumptus operarum: heic ad utrumque mens obnubilat architectis, & heic magnificentiam incomparabilem, & magnitudinem sine pari, prodigiosâ copulâ, omnes omnes admiramur. ac in quantam sub hodierno Pontifice majestatem adoleverit, quid accesserit, hæc ad posteritatem incisa marmori extat ibi testis inscriptio.

B A S I.

BASILICAM
 PRINCIPIS
 APOSTOLORUM
 IN HANC MOLIS
 AMPLITUDINEM
 MULTIPLICI ROMANO-
 RUM PONTIFICUM ÆDI-
 FICATIONE
 PERDUCTAM
 INNOCENTIUS X
 PONT. MAX.
 NOVO CÆLATURÆ OPERE
 ORNATIS SACELLIS.
 INTERJECTIS IN UTRAQ.
 TEMPLI ALA MARMO-
 REIS COLUMNIS
 STRATO E VARIO LAPIDE.
 PAVIMENTO
 MAGNIFICENTIUS
 TERMINAVIT.



Erunt rariora cum tempore
 hæc erismata, quæ non in-
 signia ostendent Magni Pon-
 tificis: neque adfixa fronti-
 spicio,

ipicio, aut Aræ summæ, ut Aquilæ
ac dracones Borghesiorum, Apes-
que Barberinæ, sed toto templo, in-
quam, toto, sublimi remigio vaga,
ac spectabilis *COLUMBÆ
PAMPHILIA*. Nec heic ta-
men stitère Magni (iterum dico) Or-
nandæ Romæ conceptus Papæ. idem
magnificentia simili *ÆDEM AD
DIV. JOAN. LATERA-
NENSEM* verè lateratitiam,
marmoream reddidit. Ut commen-
tatione panegyricâ omnino opus ha-
beret, si id mei nunc instituti, quò
nosceretur curatius memoriæ titulus,
qui ibi talis:

INNO-

INNOCENTIUS. X PONT. MAX.

LATERANENSEM BASILICAM
CONSTANTINI IMPERA-
TORIS RELIGIONE

AC MUNIFICENTIA EX-
TRACTAM

SUMMORUMQUE PONTIFICUM
PIETATE SÆPIUS IN-
STAURATAM

VETUSTATE JAM FATI-
SCENTEM

NOVA MOLITIONE
AD VETEREM EX PARTE
ADHVC STANTEM

CONFORMATA
ORNATU SPLENDIDIORE
RESTITVIT.

ANNO JUBIL. M. DC. L.

PONTIFIC. VI.

HUic Lateranensi ecclesiæ vi-
cina quæ *D. MARIAE*
MAIORI Sacra, fed
quæ jam tum pridem in hanc excrevit
solidita-

soliditatem ac ornamenta , per sumptuosissima ac verè Summorum Principum sacella summa Pauli ac Sixti utriusque nomine Quinti Pontificum, & duo alia Sforziorum , Cæsiorumque, ut altiùs adscendere ac eniti admirando illi Urbis exornatori INNOCENTIO hîc vix detur. *D. PAULI* porro *ÆDES* , viâ Ostiensi , fateor , non nisi antiquitate & memoriâ Constantini Cæsaris hætenus commendabilis , ævo fluxa , squallida : nisi quod illa ærumnas suas, ut audiui , nuper ad Pedes quæsta , cum spe dimissa proximæ restaurationis , ac nitoris. Et hæ Stationes ac *Ædes* Urbis sunt , quas Societates Exterę , unde digressus , ac omnis orbis indulgentiarum anni sancti lucrandarum causa adibant , frequentabant : cujusmodi Societatum , ajo , majorum gentium , ac civitatum ultra mille hoc anno vidit Roma : & adsertione, quibus ævum ac memoria suppetit , nullo alio Sancto pompâ parili ac impensis.

pensis. Ego in viam redeo : &
 KL. Febr. prodire Bulla de non
 contrahendo in favorem Forensium
 super bonis stabilibus , in statu ec-
 clesiastico consistentibus. quâ con-
 firmabat , declarabat , extendebat
 Apostolicus quidquid super hoc ar-
 gumento Sixtus V, Clemens VIII,
 Paulus V ac Urbanus VIII Con-
 stitutionibus suis edixerant. annihila-
 bat præterea contractus hujusmodi ,
 qui non nisi cum reservatione Bene-
 placiti Apostolici vel istâ clausulâ, qua-
 tenus non obstant Constitutiones A-
 postolicæ , speciali præscientiâ ac li-
 centiâ Pontificiâ non antegressâ ut
 par erat , initi. Adhæc cum æquè
 præjudiciale Romanæ Sedi , ejusque
 subditis esse comprobaretur super
 Casalibus (non mea sed *INNOCENTII*
verba sunt, & cujus ,
amabò seculi ? certè nostri , non
Tulliani.) & Tenuatis ac Pedicis
 prope Urbem existentibus in favo-
 rem Forensium quomodolibet con-
 trahi ,

trahi, propterea Constitutiones prædictas etiam ad quæcunque Casalìa seu Tenutas ac Pedicas sive jurisdictionalia, sive non jurisdictionalia, ultra quatuor ab eadem urbe milliaria consistentia, ampliabat, extendebatque. Et si quod Casale vel Tenuta aut Pedica partim ultra & partim intra quatuor milliaria cujuscunque quantitatis, sive sit principalis, sive accessoria alterius partis infra quatuor milliaria existentis, sub prædictis Constitutionibus Apostolicis declaratis & extensis *INFUTURUM DEBERE COMPREHENDI*. Quædum legis, fallor, *ILLUSTRISIME DOMINE*, an jam in mentem venit contractus hujusmodi, diu ante hanc legem latam, à Barberinis initi cum *LEGATO HETRURIÆ*? Scilicet quæ in Conclavi novissimo acta nosti: Unde his origo. quæ non ab Ostiâ,

f d

sed Româ, tempestas imminebat. quæ æterni in hos odii series ; & tetigi nuper pluribus , nec nunc itero. VIII. ac V. KL. Martii spectare erat paratus festos, amabiles machinas, thesauros sacros, inventa mille, audire disertissima acroamata, concentus entheos, divinas voces ad D. Laurentium Damascenum, in Vaticanâ, Lateranensi, ad D. Mariam Majorem, ac in Ecclesia Societatis Jesu, occasione Orationum solennium, quæ à durationis suæ tempore Quadragenta Horarum adpellantur. Patres tamen Societatis Jesu non hîc, ut nec alibi, etsi illorum vocabulo, *TALES QUÆLES* (ita quidpe ab Universitate apud vos Parisiis aliquoties interrogatos, Secularesne an Regulares essent respondisse nosti.) nec modico aut *TALI QUALI* adparatu, at nec damnofo tamen, sed verè pulcro, verè nobili ac magnifico heic præfulgere. Templum Salomonis in ecclesia, Nominis J E S U, repræ-

repræsentaverant. machinas adspē-
ctus apud imperitos mirabilis, apud
omnes celebrati. quicumque in illis
hinc inde eleganti prospectu popæ,
vel succincti poparum habitu occur-
rebant, circa sacrificia adornanda va-
riè videbantur occupati. juxta Altare
Sacerdos summus, & Salomo. ac de-
super inter cœlum & solum media
SALUTARIS HOSTIA,
ciborio venerabili, admirabili. Ec-
clesiæ fores, valvæ fenestræque
omnes velatæ, obturatæ, augendæ
majestati, nec lux aut lampas inibi, nec
in hoc adumbrato Templo Salomonis,
& tota machina occulto oleo fulgura-
re. aded ut percussione celati ignis
infinitarum lampadum agitari vide-
retur Templum, non subsistere, ac
cœlum, terra & vicina quælibet cir-
cumcirca tremiscere ac nutare ubi
SANCTISSIMUM. Quid de
panegyricis sacris dicam, quorum ali-
quot isto die juxta Templum istud
audivi recitari? memini, & cum
admi-

admiratione humanæ facundiæ semper recordabor, disertissimæ cuiusdam verborum paraphraseos; *E CCE PANIS ANGELO- RUM*: ut multa alia hujus dignationis nunc præteream. Nec præcone opus erat, ut hîc Urbs spectatum conflueret: ipse Pontifex venit adoratum: & communi suffragio inter nobiliores actus anni Sancti res relata. Die Consistorii, qui erat XVIII. KL. Aprilis creari Hispanus in Cardinalem Antonius d' Aragona. Galerum rubrum Belvidino Cubiculario ac Canonico Lateranensi in Hispaniam deferente. Quam electionem indignè non pauci ferebant veltratium, quasi præjudiciu hoc ipso factum *CHRISTIANISSIMO*: verùm (illorum pace dixero, & ipsi fassi) malè. quidpe non ad purpuram novum quendam adsciverat, ut putabatur: sed quem Anno c l o l o c x l v i i i mense Septembr. die electionis, in pectore (ita loquuntur) reservaverat, hoc tempore

tempore primùm publicare. De sacellis ubi Cerei, palmæ, cineres, manu Pontificis distribuuntur, non attingo. Non: quia anniversaria, conscia, obvia, nec splendoris majoris quidquam scenerata à Jubilæo. Nec illustrem eloquentiam memoro, quâ ex omni Italia evocata hoc tempore Quadragesimali Romana pulpita ampullabantur. nonnulli Eminentissimorum ex throno, (qualis rhetorum Græciæ Aristophani,) ad Orchestram purpuratam, ac anabathra, subsellia virorum, sceminarum, principum, procerum, populi, hebdomatim in Sacello D. Marcelli verba facere, Purpurati Chrysostomi. in Quirinali apud Pontificem divinæ facundiæ aliæ: ac inter tot ac tanta vigilata meletemata, & acroases, nemini, quod puto Rostorum desiderium, nemo Athenis Demadem aut Demosthenem invidere. Hujus circa initium Quadragesimæ, Illustrissimus ac Reverendissimus Nicolaus Albertus Gniewosz ab Olezcow.

Episcopus Vladislaviensis & Pomeraniæ, tumque Potentissimi Polonia-
rum & Sueciæ Regis, Domini mei
Clementissimi, ad Cæsarem, Remp.
Venetam, Magnum Ducem Hetru-
riæ, & Mantuanum Legatus, Floren-
tiam revertebatur. Cujus tempus
omne quod heic inter sacra exegit
duorum mensium, ac cumprimis so-
lennis Octava illa sua Visitationum se-
ptem ecclesiarum Urbis, ac incom-
parabilium Eleemolynarum hodieque
celebratissima in memoriâ perstat Ro-
mæ, quidquid ille, dum hæc scribo,
pridem abierit. Nimirum eâ piâ ac
planè inauditâ erat prodigalitate in
pauperes Regius hic Legatus: ut ne-
minis ferè curatius, quàm ejus adcuba-
ret palatium, neminis oculatius specu-
laretur in publicum exitus omnis Ege-
stas Urbis: neque noscebatur sanè
per illam aliter Magnum G N I E-
V O S C I Nomen, quàm sacræ ma-
gnificentix, ac bonitatis. Præterea
Eidibus Martiis Serenissimi Principes
Hetru-

Hetruriæ Matthias ac Leopoldus adventare. prætextus, qui heic frequens, & quo omnis ambitus ac negotia seculi absconduntur, *VISITARE LIMINA* & nunc Stationes Universalis Jubilæi : sed causa, ut quod sequestrum in causâ Barberinorum & Legati Magni Ducis Camera Apostolica adtinuerat, apud Pontificem opportunè deprecarentur. simul rimerentur curatius institutum Hispanæ Classis, quæ Neapoli adornari occulto ac suspecto consilio. nam metus erat super Ligurno hostilia fortè tentatum iri : quâ gratiâ illi convenire frequenter, Palatii Pontificii hospites, cum Legato Catholico, pacisci-que. Per idem tempus res rituum, hætenus ambigui usus, decidebatur. Legato Hispaniarum per plateam fortè obviam venerat Filius Ducis Bassanelli : qui Legatum salutaverat, sed Curru non sistente, ut moris erat, & juris esse putabatur. id quod ille indignari, & Græcostasis interpretando

accendere : donec Eminentissimus
Queva partes suas nomine Congrega-
tionis Rituum interponeret : non astringi
Romanam Nobilitatem Legatis sistere ,
rem spontanea esse reverentia , nullam O-
ratori factam injuriam. Sequitur Heb-
domas Sancta, quæ, ut tribus absolvam
verbis , inter supplicationes numero-
sissimas sumtuosissimasque transige-
batur : ac frequentia quidem immensi
populi , qui , processu solito , ad Ad-
orationem Vultus Sancti in Basilicam
Petrinam itare , diurnæ nocturnæque
vices consumi , nec discerni. Quot in
urbe tribus negotiantium , opificum ,
congregationes nobiles , conventus
ecclesiastici : totidem discretæ ad Pe-
trinam Basilicam supplicationes. vidi,
inter alias , admirabundus illam quæ
Peregrinorum Hospitalis ad S. S. Tri-
nitatem dicebatur : & qui computum
inière ultra xxxiiclo referunt con-
stitisse. Ordo ferè idem , quem supra
tetigi , cum ad Urbem Societates ex-
teriorum : nisi quod istis, multò noctis,
à tene-

à tenebris splendor major, quæ infinitis cereis sumptuosissimè discutiebantur. præportari machinæ non fictæ, non pictæ: sed utrumque pulcræ, vastæ, magnificæ: quâs cruciatus Redemptoris, dolores Divinæ Genetricis, mysteria pietatis, gloria Martyrum, Limbus Patrum, aliaque ingeniosè exhibebantur. Intervenire vestitu, ac squallore pœnitentium, Eminentissimi, Oratores, Principes, Præsules. plerique ponderosis in speciem crucibus. inseri Chori hominum dicam, vel Angelici? denique lentè incedere flagellantes, velato capite, pectus pedesque nudi, stillante nonnunquam invito sanguine, cruenti omnia tergo, scapulis, manibus. cujus farina ultra c. I. aliquoties una serie ac die vidi numerari & nonnullos horum, verè pati deliquium, quosdam simulare, ac per Monachos quibus à cucullo nomen est, firmari, refo-
cillari: dispositis ad id bajulis, qui cum cadis ac solantibus miscebantur.

C 3

Illud

Missa cum Salubris
Id. Anna

Illud certum ; signavisse nonnunquam cruorem manè , quò noctu in-
 cesserant ~~th~~ mercenarii martyres : &
 quidquid coner ut dignè tradam , in-
 fra omnino tamen spectaculi magnitu-
 dinem me subsistere. FERIA III. Pon-
 tificis Xenodochium Sixti , virtutum
 Christianarum officinam , & quod
 Prytaneum Christianitatis, elogio me-
 rito adpellares , ex more invisere. Ibi
 Peregrinis notis ignotisque noscique
 nolentibus (nam viros principes , ma-
 gnates , alios compertum est adfuisse,
 indicio eleemosynarum , quę civilem
 excedebant modum. ac tunc ita adlu-
 bebat esse Incognitis. quibusdam ma-
 jorum meritorum , aliis minorum im-
 pensarum intuitu) universis singulis
 Altorem , Patrem se offerre. multis
 ac promiscuè provolutus lavare pe-
 des, lavatosque (quod vidi , scribo)
 osculari. cùm cibabantur adstare men-
 sę , benedicere , ministrare , & heic
 quilibet accumbentium catillum , pa-
 teramque suam pio ambitu turmatim

*th. Non conducta (ut opti-
 monis dissensum opti-
 monis, id est in ceteris*

Papæ

Papæ porrigere, quilibet invocare; nec quanto quanto illo cœnaculo nisi infiniti strepitus & hæc vel millies. millies repetita *Beatissimo, Beatissimo*, exaudiebantur. Quas submittendi vices pariter egregiè explere Cardinales, Principes, proceres: ac circa sexum suum Excellentissimæ Fœminæ, & has inter Pontificalis Olympia, discretis conclavibus. FERIA IV. qui dies sacer & Jovis dicitur, Papa spiritua- lem (*ejus verba refero & sunt Edicti*) ec- clesiastica disciplina gladium & salutaria justitia arma per ministerium summi Apostolatus solenniter more anniver- sario exercebat: interdictum puto, & ita hoc describit ille, quod nunc Ex- communicatio (*La Scommunica*) di- citur. initid sacra solennia in Vatica- no. ejus in Paulino Sacello. Redem- ptori Monumentum adparenti pom- pâ. transire Papa, & ad pergulam so- lennem, quam supra quoque tetigi, pergere. Ibi Eminentissimus. Mail- dachini legere coram Pontifice, spe-

ctatore ex arêa D. Petri immenso populo, Literas Processus, quæ diei Cœnæ Domini cognominantur: quibus ex parte (iterum literarum verba pono) Dei Omnip. P. F. & S. S. & auctoritate beatorum Apostolorum Petri & Pauli, ac Suâ I. Quoscumque Hussitas, Wecklephistas, Luteranos, Zuinglianos, Calvinistas Ugonottos, Anabaptistas, Trinitarios aliosque Hæreticos Schismaticos, horundemque libros foventes, legentes, imprimen- res. II. Adpellantes à S. Pontifice ad futurum Concilium, eorundemque fautores. III. Pyratas præcipuè discurrentes mare à monte Argentario, usque ad Terracinam. IV. Naufragorum Christianorum cujuscumque generis bona & in littoribus inventa furripientes. V. Imponentes nova pedagia, & gabellas. VI. Falsificatores literarum Apostolicarum, aut sup- plicationes à quocumque auctoritatem habente signatas, falsoque publican- tes literas Apostolicas. VII. Defe-
rentes

rentes arma , & alia usui bellico idonea ad Turcas , vel alios Christiani nominis inimicos , & ad reip. Christianæ statum pertinentia iisdem in damnum Christianorum nunciantes. VIII. Impedientes eos, qui victualia & alia necessaria Romam convehunt. IX. Ad Sedem Apost. venientes, vel ab eâdem recedentes suâ aut aliorum operâ lædentes. X. Romipetas ac Peregrinos , & in Urbe morantes , vel abeuntes, lædentes. XI. Offendentes S. R. E. Cardinales , & alios Prælatos. XII. ad Rom. Cur. pro negotiis suis recurrentes per se vel per alios lædentes. XIII. Appellantes à gravamine vel futura executione literarum Apostolicarum ad laicam potestatem. XIV. Executionem literarum Apostolicarum aut aliarum expeditionum impedientes , & prohibentes ad gratias impetrandas accedentes. XV. Judices Seculares , qui ecclesiasticas personas trahunt ad sua Tribunalia, quique ecclesiasticam liberta-

tem tollunt, aut in aliquo perturbant. XVI. Impedientes Prælatos ne suâ jurisdictione utantur, quique illorum & delegatorum judicia eludentes ad Cur. Secularem recurrunt, aut contra illos decernunt, præstantesque auxilia. XVII. Usurpantes Sedis Apost. & quarumcumque ecclesiarum jurisdictiones vel etiam fructus sequestrantes. XVIII. Imponentes decimas & alia onera personis ecclesiasticis, ecclesiis, monasteriis, aut eorum fructibus. XIX. Judices seculares, qui se interponunt in causis capitalibus seu criminalibus contra ecclesiasticas personas. XX. Occupantes bona aut terras Romanæ Ecclesiæ & illius jurisdictionem usurpantes: Hos inquam *INNOCENTIUS X.* ex parte & autoritate supra-dicta *7 AM ANATHEMATIZABAT EXCOMMUNICABATQUE.* Simulque finierat Eminentissimus Maildachini dictas Literas: simul Pontifex accensum
cereum

cereum ex alto aream D. Petri versus, projicere : hoc intellectu : ut de cereo illo projecto actum ; ita quoque esse de Hæreticis, ac jam dictis prævaricatoribus universis singulis : quippe qui hoc ipso extra ecclesiæ gremium positi, & juxta animarum discrimina. Mox à diris quasi reversus ad mitiora, Benedictionem Apostolicam numerosissimo populo impertiebatur. Inde Castellum Archangeli ingenti machinarum majorum præsidique igne, augendæ rei ac diei majestati, collucebat. hinc in Vaticanum revertebatur : ac in aula Ducum XII pauperibus, augustissimam Dei in terris coenam, & quæ illam insecuta, nemini credita nisi divini scriptores adscripsissent, adumbrantibus, antiquo ritu prosternebatur, ac idem heic obire, quod jam intelligis, & supradixi (etsi majore nunc omnia cum sumptu ac splendore) de pedibus. Largiri porrò varia: numismata, indumenta, benedicere, amplexari. nondum omnia. excipere

quoque prandio publico , ipso vices Architriclini sustinente. ipse erectus adstare adcumbentibus, obire, prospicere omnia , omnibus ministrare cibum , potumque miscellulis , & quos adspectus tanti hospitis mage sanè , quàm dapes regiæ alum nabantur. Ad erat qui juxta mensam , ex suggestu modico , interea temporis , de Hospitalitate verba magnifica fundebat ad spectatores ; Pontificem sistens in exemplum:desinente in vota alloquio, ut sub Liliis , ac Columbâ diu Ecclesia. Vesperi Galliarum & Hispaniæ Legati , consuetudine anniversariâ , divisis itineribus adorando Vultui Sancto ad Basilicam Petrinam quæsitissimo cum comitatu paratuque accingebantur. inter Gallos Catalani , ac Lusitani , quod non levi invidiæ. Hispani conduxerant plurimos ex plebe urbis , æmulatione veteri , supplendæ suorum inopiæ. strepitu quoque compedum , & catenis , quibus invicem flagellorum , pungente sanè ambi-

ambitione , utebantur , conspicui. Accidit, ut, quidquid ita diverso venerant, circa pontem tamen Hadriani ex parte fortè jungerentur. Ibi, ex errore, Hispanis metus, quasi Galli facturi impetum : ex metui mox turpis fuga , ac confusio. inde per Urbem, ut amat fieri, jurgia, scommata, ac cachinni. Feria V. quieti sacra : etsi supplicationes ad D. Petrum non omittebantur: in Ecclesiasterio Pontificio Missa : ac in Camerâ hoc die vox est, non sedere Pontificem supra sedes , sed scabella : nec hoc die colloqui inter se Purpuratos finito officio. Inter supplicationes hujus diei Spectatissima Patrum Ædis D. Mariæ transpontinæ (*del mortorio di Christo dicta*) ad Petrinam. per omnes ecclesias infinita monstrari, & ad D. Andream *delle Fratte* ad D. D. Augustinum, ac Quiricum, Monumenta egregia Mortis Domitori posita : sed quæ ego non nunc latius. Ac dies denique parasceves celebris baptismo

quorundam Hebræorum : nox illustrior. Enimverò Societas Resurrectionis Hispanorum in Foro Agonali præclara quædam ediderat. Machinæ erant duæ triumphales Iberâ magnificentiâ, formâ priscâ, & qualis templi quadrifrontis Jani, heic hodieque Romæ. Ultra C. palmos tabulata adfurgere : inde ovali incurvari flexu, sensim camura, donec præcincta quasi diademate regio, veluti fibulâ, absoluebantur. Columnæ ordinis Itali s. compositi striatæ, pulchræ, splendidæ. Stylobatarum quidam mysteriosi, ac venusti, quidam indolis Iberæ indices h. e. fastuosi inscriptionibus, ac figuris. epystilia ac reliqua columnarum infera, supera, sparsa floribus : præfulgente Zophoro, per insignia INNOCENTII AC PHILIPPI. ac veluti quadrifariam, ut jam opinor, patet, patebat quidquid hujus erat gemellæ machinæ nobilissimæ ita sui cuilibet frontispicio nobiliores, coronario luxu, encarpi, ac
inter

inter acroteria sua lemmata, ornamenta coronicum, nec pigebit adscribere. è regione Palatii Pamphiliorum: SOLI JUSTITIÆ IN OCCASU RENASCENTI ET NOVUM IMMORTALITATIS DIEM APERIENTI PIETAS HISPANA P. àlæva: EX AGONE MORTIS REDUCEM CHRISTUM MERITO TRIUMPHALI POMPA EXCIPIT AGONALE FORUM: UT UBI CERTAVIT SUPERSTITIO, IBI TRIUMPHET PIETAS. à fronte templi: IBERICÆ LÆTITIÆ POMPA GEMINA UTRUMQUE ORBEM SCEPTRI UNUS FELICITATE CHRISTIANA FIDE COLLUSTRATUM AD FESTOS DIES CIET CHRISTUM REDIVIVUM. denique à parte altera: NOX HÆC SOLIS ÆTER.

ÆTERNI TERRESTRIBUS NON MINUS QUAM COELESTIBUS LUMINIBUS NITET CLARIOR ÆGYPTIA NOCTE. QUO SANCTIOR DABAT ILLA DIEM, HÆC DEUM. hujus in machinæ medio Tumulus erat octangulus, Unde Redemptor à mortuis redux, humanâ figurâ major, quasi prodibat: circa urnam labara quatuor verbis totidem SERVATORI, VICTORI, TRIUMPHATORI PACIFICO. & heic circumcirca, Hierarchia amabiliissimè adumbrata. Idem in Machinâ alterâ huic oppositâ: hoc mutatu in medio venerabili formâ VIRGOMATER quasi gaudii anxia, ac festinanter ad amplexus obversa FILII CREATORIS. præferre tymbus (nam & genitrix in funere Nati videbatur quasi tumulata) trabalibus literis: ALLELUJA REGINA COELI LÆTARE,

RE , ALLELUJA. nec inscriptiones de immenso igne falsæ , quæ supra porticibus (circus quippe omnis cancellis certis inclusus erat , ac firmatus excubiis.) legebantur : O VERE BEATA NOX TANTIS IRRADIATA FULGORIBUS, LÆTETUR MATER ECCLESIA TANTIS ADMIRANDA LUMINIBUS. nam ita res est. & Agonale forum omne collucebat , ac resplendere mirificè immensi sumptus. *perche , dicente Moneta , sendo Sbarrata tutta la piazza da capo à piedi , con travi alti , quali formavano archi 116 col suo frontespicio similmente di travi , posavano sul piano dell' Archi sudetti 5. Laternoni per ciascheduno colorati , & 4 altri per ogni parte del frontespicio che ascendevano al numero di 13 essendovi in cima nel mezzo una padella di mistura , & trà un Arco è l'altro la punta del trave sosteneva un altro Lanternone ; che tutti questi lumi ascendevano al numero di 1600 in circa.*

di

di più ciascheduno di quiei dui *Archi* accennati in conclusione nelle di lui cornici, base capitelli, fogliami, cartucci, festoni, sporsi, ed altri membra tutte messa à oro vedevasi tutto adobbato con più di mille è quattro cento lampadini; Quæ universa singula medio noctis accendebantur. Jamque approximante diluculo prodibat ex *Æde* conterminâ, D. J A C O B I, ordine, qui hujusmodi processibus sacer est, immensa turba, omnis Natio, (quæ tunc Romæ) Hispaniarum: præportabatur simulacrum divinæ Matris vestitu Hispanico. mox post illam ab Episcopo Salutaris Hostia sub uranisco. quem immediate sequebatur Legatus Catholicus, Primates illius regni, Nobilitas, plebs promiscua. Ita progressi, omnes accensis cereis, circumgyrare forum illud agonale, & quas hætenus descripsi sumptuosissimas machinas. nisi quod horulæ fors mora interjecta juxta aram, quæ illas inter machinas quasi media, ubi exponebatur S A N C T I S S I.

CTISSIMUM, donec ad idem D. Jacobi templum revertebantur. Ubi Orationes solennes illæ quadraginta-horarum inchoari, quarum quasi indiotioni ac solennitati omnis pompa ista fuerat destinata, & omiserant Hispani ab aliquot annis hujusmodi majorum impensarum solennia, ut hoc anno sancto magnificentius (& fecere profectò) restaurarent. Die Paschali Missam ad D. Petrum celebrabat Papa: quam mox insequi Benedictio. Reliquiarum ibi ac per urbem varia ostentatio, gemina machinarum bellicarum Castelli Archangeli, altera sub crepusculum, altera post jam dictam Benedictionem explosio: omnia annua, ordinaria. Et qui hunc mensem excipiebat Majus quasi feria ac quies erat à tot tantisque, quorum nonnisi aliquot memoravi, Aprilis pensis arduis, supplicationibus indefinentibus, curis, agitationibus, actionibus, motibus? Hujus circa finem Maji vix reversus eram

Neapoli

Neapoli (quò tunc profectus simul admirandorum causâ quæ de sanguine Jannuarii Archiepiscopi Neapolitani, cujus tum KL. Maji imminebat feria, circumferuntur, simul spectatum urbem ejusque adjacentia, per historias ac hodierna rudera, vestigia, monumenta, superba illa & tot seculorum felicissima spolia, celiberrima ac grata loca) cùm, quem ibi Neapoli ac Cajetę lustrari videram Hispanum exercitum X. vel XII c I o colluviem in se ignotam ignorantemque, ac vero verbo, utriusque Siciliæ excrementa jam cum classe CXL navium Ilvam maris Thyrrenici Insulam approximassee vario animorum motu per Romanam nuntiabatur. Sæpe miratus sum Neapoli hanc fabam cudi, ibi tota hyeme hos collectos lixas ac degisse, ibi actitata omnia ac adornata quæ in rem essent magnæ expeditioni: neque tamen quenquam penetrare, nec inante penetrasse quò hæc vergerent. Omnes divinare variè, suspicari: plerique

rique præter rem, nemo scire. neque plebis ulla vox, sed attoniti vultus, & conversæ ad omnia aures, non tumultus, non quies, quale, quod ait Doctor meus, magni metus, & magnæ iræ silentium est. Neque enim hodieque, crede mihi, ILLUSTRIS- SIME COMES, desiit amare vestra Parthenope Lilia: & seditionis metu, de Catalonia, Hetruria, Flandria, quasi illis sive recuperandæ seu oppugnandæ, vel juvandæ, Classis illa destinata, utili astutiâ spargebatur. donec Plombini & Portus Longi obsidium, ut dixi, plenius innotescere. Ibi acria Iberis oppugnationis initia, quam fluxam, levem, brevem Joannes Princeps Austriacus (is est Philippi IV. ex Calderoniâ, theatricâ foeminâ, filius, dicente Siri) & Comes Ognatensis, prorex Neapolitanus, copiarum Dux, & Optio fuerant ominati. Nisi quod suspensa nimis Urbs Plombinum inter obtinendi, cedendique consilia, à

Comite

Comite Conversano morarum conditionumque porrò pertæso , apertâ vi mox expugnata , pars incensa , omnis expilata : castellum itidem paulò pòst deditione occupatum : dimissis Monachium Præfidiariis , ac festinatis duabus triremibus quâs Captivorum ad c. c. impositi mittebantur Neapolin. Ita tunc blandiri initia : sed non idem jamjam successus circa molem principem Portus Longi , & in tempore memorabo. Principes autem Italiæ sive apertè , sive per occulta & magis fida inclinabant in Hispanos. Insubria , utraque Sicilia , Hetruria , Patrimonium D. Petri , aliique status suppeditare , succurrere , animare. Florentia cum primis annonæ destinata , etiam Roma : & , quod magis , raptabantur heic ab Hispanis per plateas , prout quemlibet fors obtulerat , nullo discrimine , religionis causâ advenerant , palabundi , an ex plebe advenæ , utrum incolæ , ad castra Portus Longi adigendi , supplendis faucibus

ciis vel qui fuerant : & horum nec nescio Pontifice , & connivente. in tantum ut increbrescentibus interdium noctuque hujusmodi raptibus , plebes tandem publicè inquires , obversa in raptores , ferire , persequi , tumultuari : & nisi Legatus Hispaniæ dato à Pontifice præsidio defensus foret , sacrum etiam inter exterarum gentes legatorum jus , intra ipsa patriæ mœnia plebeja rabies usque in exitum iterum heic temerasset. Jucundo verò ac utili dolo è Gallis quosdam usos , compertum est personam Hispanorum induisse , ac duobus vel tribus verbis Castiliæ formidabiles , ac disertos traxisse hinc inde per urbem vagos obtorto collo plebeculam , nec nisi spoliatos quosdam , alios planè nudos , acri sanè lytro , dimisisse : Omnia acuendo plebis Romanæ odio in Hispanos. Sed isti in animis Principum validi , annonâ , milite & rebus afflictis obsessorum cum primis freti : at quibus amabò , ILLUSTRISIME

SIME COMES , vestrates Galli ? imò Vobis domi malum , resturbatæ , bella civilia , atroces motus , unde obsessis spes nulla suppetiarum , & Nationi omni per aulas , & hic Romæ odiorum nomen . Apud Legatos utriusque gentis Gallæ ac Iberæ his temporibus congregationes frequentes inter deditionis armorumque consilia : ex quarum unâ apud Legatum Christianissimi vestri habitâ , circa vesperam aliquando Eminentissimo Barberino revertenti , non levis incussus metus , prorumpente nonnullis cum apparitoribus Præfecto vigilum , qui Currum quo vehebatur Eminentissimus , jubebat attineri , in mandatis habere dicens , inquirere omnia armorum suspicione , quibus fors terri , ac fugari possent Hispani ab obsidione Portus Longi : tum Cardinalis , auctorem acris hujus scommatis & injuriæ facilè subodoratus , piè sanè & ad rem : sibi arma nulla alia esse , quàm ista quæ tunc in manu
(osten-

(ostendens Coronam precum) idque
debere referre , qui miserat. Hæc a-
cria : sed atrocita erant quæ hoc mense
Junio Genevâ , quæ Liguriæ est me-
tropolis , afferebantur , impendisse
ruinam ejus Senatui , ipsique reipu-
blicæ convulsionem , nefando perduel-
le ac proditore patritio Stephano
Raggio. hunc , constituto apud nefa-
rium animum privatas simultates exi-
tio publico vindicare , supposuisse
Curia pulverem tormentarium , quod
coactus aliquando ibi Senatus absume-
retur ; sed detectam , felicitate pu-
blicâ , proditorem , presum prodi-
torem , manus pedesque vinctum , in
carcere ex levi vulnere quod sibimet-
ipsi per compedes ac catenas impoten-
ter cultello inflixerat , infelicem ani-
mam exhalasse. Addito , repertam
apud illum occultatam Clavem Portæ
cujusdam Genevensis : non obscuro
conspirationis , sive cum Hispanis seu
Principe Monacensi inditio. nihilo-
minus exanime cadaver totâ die in

execrationem suffixum patibulo, ac
destructum palatium funditus, quod
habitaverat, positâ ibi columnâ istis
verbis:

STEPHANI RAGGII
CRIMINE LÆSÆ MAJE-
STATIS CONVICTI
ILLATA SIBI MORTE
SCELERUMQ. CONSCII
CADAVERE
FURCA SUSPENSO
FILIIS EXPULSIS ET NO-
BILITATE. PRIVATIS
BONIS PUBLICATIS
SCELERATISSIMI ET TE-
MERarii HOMINIS
MEMORIA PERPET.
DAMNATA.



Nterea Finis Junii Pandi-
culares ferias apud nos Ro-
mæ D. PETRI adtule-
rat. Pridie illarum Senatus
purpu-

purpuratus in Vaticano congregari: & hinc deducere Pontificem in ædem jam dicti *APOSTOLI* vespervas solennes, magnarum feriarum parascēven, cantaturi. Quibus finitis factō ad dimensum gressu, ut heic moris, ingrediebatur templum idem Legatus Catholicus, Dux Infantadi, ac Pontifici ab ara reduci & sublimi sellā Pontificiā ac triplici diademate (*il Regno* vocant) infulaque summā conspicuo, verē animato per tot tantasque gemmas fulmini, fulguri, flexo poplite, Asturconem quem annuatim pendet, certo cum canone rex Hispaniæ respectu utriusque Siciliæ, vassallus Ecclesiæ, sistebat, offerebat. Quantis impensis verò quantoque splendore Orator Princeps hanc equestrem deductionem instruxerat, adornaverat, res est paginarum, non lineolæ: sed fecit profectò, fecit si quæcumque alia ad splendorem ANNI JUBILÆI; & judicent alii, ego ferè firmarem supra omnem Trans-

vectionem veterem (de pompa lo-
quor. scio numero superasse) Hispa-
num hunc equitatum. Neque heic levi
mutatu exaudiendus erat Satyricus :

Nimum sibi consul

Ne placeat, curru servus portatur eodem:
nam non nisi unius hic subsellii, diver-
bio veteri, Lacones, non hic sanguis
vehebatur nisi unus, isque supraple-
bem, & quo gloriarentur honorati illi
XIV. gradus antiquæ urbis. Dabat
processui publico ex ordia Hispana
Nobilitas, quæ tunc Romæ, vel quæ
ejus census ex Legati Domesticis. se-
quebantur longâ ac venustâ serie quos
Eminentissimi, aliique principes, o-
ratores ac magnates, honoris cultus-
que causâ, submiserant : Omnes no-
bilissimis equis vecti ; mox Excellen-
tissimi Principes Ludovisus, Justi-
nianus, Adfines Pontificis, ac ille
occultarum partium, sed credo ex
animo Gallicarum, Princeps Gallica-
nus. hinc China (Italâ & suetâ utar
voce) ad manum ab equestri alio cæ-
rulea

rulea ac lætâ induto veste deducebatur : hæc China , interpretatione veteris Latii , Asturca dicitur : & , passivo magis vocabulo , tolutarius equus est. Nimirum pactus Clemens VI cum regnum Neapolitanum Carolo Andegavensi , Provincia Comiti , fratri D. Ludovici in feudum permetteret , ut talis annuatim Sedi Romanæ cum canone $x\text{ l c l o}$ ducatorum exhiberetur. Auferebatur verò verè cultu hic Asturco , ipseque quod de puellis canit Sulmonensis , pars minima factus erat sui , tot baltheis , cristis , jubis , frontali , pectorali , peripetasmate , cingulis , floribus , omnia argenteis & quæ talium intelligentes ab arte cum primis æstimare , tectus præreptusque spectantibus. Neque armis ejus nisi parum patebant per crumenam auro multo intextam , à collo pendulam , quâ deferre Pontifici jam dictum canonem , deductionis scopus , indigitabatur. Hunc è vestigio sequebatur ipse

Orator Princeps, equo vectus, ipseque vestitu supra dictionem omnem fulgido, nobili. præcedere, sequi, turba non parva, quam alit, pedissequorum. Stipare, adesse Ephebi, sanguis melior: omnes vestibus holosericis, cristis cæruleis, manicisque argento sparsis soleisque calceorum quâ prominent, imitatione veteri, argento obductis, æquales, splendidi, æstimandi. Demum currus infiniti Cardinalium, Legati (& hujus cum primis duos, thessas deorum rectius dicerem, quàm currus hominum. omnia auro argentoque tectos) aliorumque Principum sequebantur claudébantque illustre agmen: tantâ per vias ac Cursum quâ transibant utriusque sexus incolarumque advenarumque multitudine, ut sufflaminare capistra spumantia, ac subsistere sæpe cogerentur. Caballo pontem Monumenti Hadriani, quod nunc castellum Archangeli dicitur; transeunte, tormenta solita sua Munimentum illud magno

magno cum fragore explodere : Unde ad crebriores gyros , hinnitus , saltus , strepitus , fugasque leves amabilesque ; equi reliqui majori quasi poppy smate , certè grato ac læto spectaculo excitabantur. Ad D. Petrum festinanter omnes descendere, adesse, inclinari Oratori : ac cum Asturcone templum ingredientem ordine , quod per immensum dabatur confluxum populi , comitabantur. Ibi quod jam dixi , fungi munus coram Pontifice Hispaniarum Regis nomine hic Orator : simul submissè inquam , simul pompaticè adloqui : sistere humillimè qui ponè sequebatur Asturconem, iterare sacrum obedientiæ ac fidelitatis , adprecari Cathedræ incrementa, adclamare vitam & felicitatem Pontifici : qui nec ore vicario respondebat Oratori, ipse Latinè prolocutus : & juvabit, scio, utriusque verba solennia seorsim inspexisse & spes est ut ab illustri Viro Cassiano à Puteis, Equite , amico nostro , nanciscamur. Qui-

bus de magnificentiâ spectaculi dictis, quid de multitudine addam spectatorum? Non vidi toto hoc anno sancto quidquam majori cum confluxu Urbis celebrari : non feriam annuntiationis Deiparæ, non illam Septimontii Corporis Domini, non quamcumque aliam : neque n. quantumquantum patet vastissimum hoc delubrum D. Petri sufficebat tunc multitudini : & pars magna frustrabantur hoc adspectu : multi parum commodè, quid quod cum periculo ex acrobaticis hinc inde machinis lapsabundi ac penduli magè quàm subnixi fruebantur. Ipsâ nocte pyrobolia pulcra & sequenti quoque alterâ magis ad Hispanum ingenium superbo interpretatu. castellum erat, character Castiliæ : huic caballi gemini superpositi utramque Siciliam referentes. quibus iterum altiori loco Leo, imago Philippi I V. hoc adspectu, ut premere videretur, ac triumphare. Utroque die frequentes Cardinalium, principumque aditus ad
Legat-

JUBILÆO.

81

Legatum : cujus in Palatii area fons quidam erat salientis, non aquæ, sed meri, & ad illum, & juxta illum, & circumcirca (Bacche tuam fidem!) quantâ plebe! Porro festum D. Stephani non omitto apud Te tangere: nam equestre. & in æde D. Joannis Nationis Florentinæ, viâ Juliâ cum primis solenniter celebrabatur. palatium aliquod Alexandri vel armamentarium crederes ingredi, quàm ecclesiam. aded antepagmenta bellica & speciosis armis undiquaque exornaverant Equites D. Stephani, qui hîc in habitu sui ordinis comparebant, præsentibus Aræ sacris ac panegyrico qui Patrono dicebatur. Jam ad castra Hispana redeo: & quid tandem de obsidione Portus longi? ipse nosti, COMES ILLUSTRIS SIM E, quod tribus prope mensibus, ambigûa forte, & tormentis, & confertis manibus, & vi omni & immensis copiis terrâ marique adgressi, tandem non nisi deditione obtinuerint. Refert

D 5 pro-

prolixè Gualdus, quâ dexteritate hæc ipsa loca Plombinum ac Portum longum Galli Tui anno 1646. sub ducibus Marefcallis Migliareo ac Plesseo Praslineo occupavere: & quasi ipse admirabundus claudit hisce: *è così l'importantissima piazza di Porto longone restò preda de' Francesi, che per i successi occorsi i mesi avanti. non era d'alcuno giudicata impressa così facile è riuscibile, comè l'effetto hà dimostrato.* At non idem, scio, scribet aliquando de hac ipsa urriusque loci recuperatione Hispanorum. Venerant tum Orbitello Galli, obsidione fessi, diruti, pertæsi ærumnarum, & pars magna ex vulneribus pugnae invalidi: venerant Hispani in hybernis ac æstivis lautissimè nuper habiti, sub pellibus adfluentes, annonâ, armis, classe, suppetisque instructissimi. Occupaverant solitâ celeritate Portum longum Gallii; & constanti famæ ægre credebatur jam occupasse: Hispani duobus mensibus & ultra heic fatigati, nec
constan-

constantissimæ famæ credebatur nondum vel abligurisse, quod jactaverant, vel expugnasse. Denique modicâ copiarum jacturâ res confecta Gallis : Hispanis vastâ strage constitit. Nam quidquid spe ista devoraverant, fore ut vel ad famam tantæ classis ac copiarum dilaberentur præsidia Gallica : non dilapsa tamen, non dilapsa, nec ingressus **JOANNES** Princeps Austriacus nisi tristi ac cruentâ pompâ, & ad decem millia cæsorū numerati. Hæc excepit electio qua Serenissimus Poloniarum & Sueciæ Rex, ac Dominus meus Clementissimus Eminentissimum Virginium D. Mariæ in Cosmed. Cardinalem Ursinum **PROTECTOREM POLONIARUM** in hac aula Summi Pontificis, post excessum Casparis tit. D. Pancratii Cardinalis Matthæi, destinaverat : festinato ad Illustrem ac Reverendissimum Roncallium (Virum multis beneficiis mihi notum, & cui inter alia ac supra omnes hoc acce-

ptum refero , quod Romam Romæ non requisiverim) Regni , ut nunc vocant , Residentem in hac aula , nuntio , quo Romæ primùm noscebatur. Neque debuit sanè sub felici JOANNIS CASIMIRI imperio , nec ex dignitate Augusti Poloniarum Throni , nisi Magno Urbis Cardinali , Magnus Italiæ Princeps in tam augusta Protectione succedere. Ac quo die Eminentissimus , auspicii causâ , sacris in Æde D. Stanislai Nationis Polonæ interfuerat , vesperi Puerperium Serenissimæ Poloniarum Reginae , accenso hinc inde ad Palatia & per Urbem igne , more circa talia sueto , celebrari. Sed omisi inante Legatum Joannis IV. Lusitaniæ Regis , Episcopum de Lamego , non visum Pontifici , ac desperatâ penitus ad illum admisione , jussu regio clam ex urbe tandem discessisse. increbescente rumore jam pridem sparso , Hispanis autoribus , decisum Clero Lusitaniæ , creare Patriarcham : ut ita hæte-

hactenus coemptum, inditumque Pontifici ab Hispanis in Brigantinum Principem odium solidius effervesceret, ac isto quasi fotu in intensius indies, & forstandem ad Interdictum usque efferreretur. Scilicet donec Pinarium genus, Potitii extis solennibus non vescebantur : & dum inter fasces summos INNOCENTIUS, non heic aura ferè apud aulam nisi Castiliæ. Hoc tempore iterum à prælo recens Bulla Papæ jam tum anno cIo Icc XLVIII die xxv Novembr. edita : qua nullitas articulorum nuperæ Pacis Germaniæ declarabatur. Intimo cum doloris sensu percepisse, inquit, utrâque Pace Ferdinandi Cæsaris & quam Osnabrugis die VI Augusti anno cIo Icc XLVIII cum Suecis iniit : & quam iniit Monasterii xxiv Octobris eodem anno cum Christianissimo, gravissima Religioni Catholicæ, Sedi Apostolicæ ac Romanæ, ecclesiisque inferioribus illata præjudicia. Utriusque quidpe
pactio-

pactionibus bona ecclesiastica aliàs ab hæreticis occupata , illis eorumque in perpetuum addici successoribus. *Hæreticis* ut vocat, *Augustanae Confessionis liberum suæ hæreseos exercitium* in plerisque permitti locis. ecclesiastica bona sublatâ denominatione suâ in feudum , sub titulo secularis dignitatis , concedi. quid ? quod ad nonnullos Archiepiscopatus admitti, Episcopatus, alia. *Numerum Septem Electorum Imperii* , olim *Apostolica auctoritate præfinitum* , sine Sedis beneplacito augeri , jamque *Octavum* in favorem *Caroli Ludovici Comitis Palatini Rheni hæretici* institui. Omnia , quibus *Nuntius Apostolicus oblocutus* , quibus se opposuerat : & quæ nunc Ipse motu , scientia , deliberatione & potestatis plenitudine paribus damnabat , annullabat , & contra illa , deque eorum nullitate coram Deo protestabatur. Ferunt Imperatorem Nuntio Apostolico Bullam offerenti regesisse : se quidem ecclesiæ ac imperii bono , antiquâ *Domus Austriacæ* in Deum & res sacris pietate , fecisse.

fecisse, quod potuisset: at crimen simul & dedecus esse seculi, Cathedram ac Claves Petri foeminam usurpare. Unde (si quidem non juxta fabulas hæc responsio Cæsaris) constanti quorundam adsertione, quibus aulæ hujus peritia, accelerata Pontifici diu agitata Cardinalis Nepotis adoptio. Quicquid autem horum, mox pulchrâ metamorphosi in consistorio publico vidimus Illustrissimum Astallium in Eminentissimum Pamphilium transformari, ex Clerico Cameræ amicâ (fas sic loqui) palingenesiâ surgere Cardinalem, & qui hæctenus aliorum factorum fuerat, jam familiæ Pontificiæ, & honorificentissimo titulo INNOCENTII X NEPOTEM salutari. Hujus electio vario animorum habitu per aulam ferebatur, prout quisque favore potens Olympiæ regnatricis, vel obnoxius dominatui. quibus tamen hodie moribus vivitur, certatim fastigium istud omnes lætè jam adplaudere: omnes?

non

non OLYMPIA: imperii vetus,
& quæ in diminutionem sui omnino
accipere. nec præter rem, si, quod
res est, dicendum est: dum omnes,
ut mos Palatinis, imò orbi, ad hunc
orientem obversi Solem: ac mox vio-
lentâ & citâ mutatione apud illam an-
ticamera, confluxus, hecatombæ, cæ-
tera aulæ, desierant. Cum primis in
Eminentissimum Panzirolam, quasi
autorem Pontifici hujus electionis,
mordaciter invectam spargebatur:
rediviva seculi Agrippina, dicente
quodam, si ambitum fastumque spe-
ctas, & quæ cum filio Principe, ejus-
que Conjuge Principissa, ut nunc vo-
cant, de Rossano, muliebribus causis,
hactenus perplexata. Id quod autem
tantum abest ut meum faciam, ut tu-
tius mihi omnino sit, & ingenio meo
aptius, quemadmodum de Magnorum
soleo, ita nunc de Magnæ quo-
que Olympiæ (quidni enim non Ma-
gnam dicam, cui Levir Pontifex?)
actis reverenter sentire, quàm liberè:
jamque

jamque transeo. Die anniversariâ electionis in Pontificem Innocentii X. quâ Roma paratu festo, finitis in sacello sacris, Eminentissimi Cardinales, interprete Decano Collegii Lanti, solenne illud *AD. MULTOS ANNOS* defungebantur. Dabatur famæ hoc die expositum iri oculis omnium Obeliscum, quem in foro Agonali, ubi Pamphiliorum Palatium, immenso sumptu curavit erigere Pontifex: sed dabatur. Ille vero nondum expositus: nec in hodiernum usque absolutæ circa fontem Aquæ Virginis cui impositus operæ. Et cum Pamphilio huic Obelisco, reconditæ eruditionis opus, æternum volumen (quo & hieroglyphica ejus, & abstrusa infinita alia sapientiæ Ægyptiacæ, audaci, novo, & hucusque intentato interpretatu ab interitu post tot secula prodigiosè vindicantur) explicando dedicârit ille Germaniæ suæ Gloria, incomparabilis polyhistor, Societatis Jesu Sacerdos KIRCHERIUS:
ad

ad patientiam ac moderamen justissimi
desiderii, ILLUSTRIS-
SIME COMES. Te invito, donec ad
vos perferatur. Nam à me non est ut
hic quicquam speres: nisi quod in-
scriptiones tamen istas, quasi propo-
mata magnarum lautitiarum, quas da-
bit Liber, non possum non inantecef-
sum jam præportare. & sunt istæ:

INNOCENTIUS X.

P. M.

O BELISCO ÆGYPTIO
QUATERNIS FONTIBUS
EX AQUA VIRGINE DEDU-
CTIS IMPOSITO

NATALI DOMO PAMPHI-
LIA MAJOREM
IN AMPLITUDINEM EX-
TRUCTA

AGONALE FORUM AMPLI-
FICATUM EXORNAVIT
URBI ROMÆ MAJESTA-
TEM ANTIQUÆ
PULCHRITUDINIS
ÆMULAM

RESTITUIT.

II.

HERMETICUM OBE-
LISCUM

A SOTHI REGE HELIO-
POLIERECTUM

AB IMPERATORE CARA-
CALLA ROMAM DELATUM
INTER CIRCI CASTREN-
SIS RUDERA

JACENTEM FRACTUMQ.
INNOCENTIUS X.
P. M.

AD ORNANDUM ERUDI-
TIS ÆGYPTIORUM MY-
STERIIS AQUÆ VIR-
GINIS FONTEM

TRANSTULIT, IN-
STAURAVIT,
EREXIT.

III.

INNOCENTIUS X.

P. M.

AMOENAM SALUBRITA-
TEM CUM MAGNIFICA
ERUDITIONE CON-
JUNGENS

LITERATUM HERMETI-
CIS ÆNIGMATIS LA-
PIDEM

AQUÆ VIRGINIS FONTI
IMPOSUIT

AD SEDANDAM COR-
PORUM

ET ACUENDAM INGENIO-
RUM

S I T I M.

IV.

IV.

SUPER MONSTRA
ÆGYPTIA AUREA
INSIDET COLUMBA
HOC EST SUPERSTITIO-
SAS SECTAS
VERA CALCAT RELIGIO
QUÆ PACIS OLEAM GE-
STANS
VIRTUTUM LILIIS RE-
DIMITA
OBELISCUM PRO TRO-
PHÆO SIBI STATUENS
ROMÆ TRIUMPHAT.



Æterùm lætus hic Creatio-
nis, ut & Coronationis qui
pauld pōst sequebatur, Pon-
tificiæ dies apud aulam, læ-
tus per urbem & palatia principum,
ecclesiasticorum, secularium, lega-
torum, magnatum, nobilitatis, igne
vario

vario lætus pyrobolia Castelli archangelī : brevi, fateor, sed verè lætificā & quæ sermone nunc Romano *girandola* dicitur. globus erat, qui vi nitrī pulveris, ex mortario, in altum actus, modicā regione aëris rumpebatur mille aliquot stellulis amabilissimis, læti ignis, adspectusque læti in descensu distinctissimus, qui quasi Chaos indigestum adscenderat. res diutini Operis, momentaneæ voluptatis : hoc querebar. Præterea serio Pontifex laudabili quod memoravi insistebat instituto, quò vita monastica intra terminos coërceretur : hoc rigore ut nunc investitura ac Professio irritæ, quas non Breve Pontificium præter Consensum Congregationis adprobasset. Audio Societatem Jesu anxie hanc Falcidiam ac stateram proventuum declinare, utpote quæ sui sibi omnium optimè conscia superpondii ditissima omnium : sed Pamphilium hætenus perstitisse Pamphilium h. e. eundem omnibus, tenacissimum

simum æquitatis. Neque tantum ordinare rempublicam ecclesiasticam, sed & hortulanum imitatus, dedecora ejus veluti lolia evellere ac antiquare seridè meditatur. Cujus die *xxiv* Octob. hujus anni illustre dedit Orbi documentum: quo suppressit ordinem Religiosorum S. Basilii de Armenis. Res est scitu ac notatu digna: non pigrabor potissima suppressionis hujus Pontificiæ verba adponere. Innocentius Papa *x* ad perpetuam rei memoriam. *Commisſa Nobis à ſupremo Patre Agri Dominici, &c.* Cum itaque ſicut accepimus, dilecti filii Religioſi Ordinis Sancti Basilii de Armenis, qui numerum quadraginta in totum non excedunt, ſinque animis adeò diſcordes ut ſimul religioſè convivere, & ſeſe invicem ſufferre minimè queant, ac propterea quàm plurimæ rixæ, diſſenſiones, ſcandala, delationes animorum, vulnera, propinationes veneni, & homicidiorum tractatus, imò ipſa quoque homicidia ſecuta fuerint, & odiis regnantibus in dies pejora

jora timeri possint , præcipuè cum ob hoc relaxata disciplina regulari neglectisque studiis literarum juvenus pravè educata , ac ut plurimum extra claustra pernoctans , nullam spem faciat melioris frugis , & reformationis. Idcirco nos de consilio Venerabilium fratrum Nostrorum S. R. E. Cardinalium negotiis & consultationibus Episcoporum & Regularium Præpositorum , qui præmissa visitatione Apostolica per religiosos viros , zelo & pietate præstantes , & ad hoc specialiter delegatos , visisque & examinatis actis & processibus visitationis hujusmodi negotioque sæpius proposito , illud maturè discussissent , Motu proprio , ac ex certa scientia & matura deliberatione nostris , deque Apostolicæ potestatis plenitudine Ordinem Sancti Basilii de Armenis prædictum , tenore præsentium perpetuo SUPPRIMIMUS & EXTINGUIMUS , ac Religiosos Ordinis Suppressi hujusmodi quoad vixerint omnimodæ jurisdictioni & obedientiæ Ordinariorum locorum subjicimus in habitu Cleri-

Clericorum secularium &c. Jamque præcipite ac non nisi aliquot septimanis sibi superstite *ANNO SANCTO*, increbescere ac augeri iterum apud nos Romæ videbantur, qui numquam planè desierant confluxus concursusque undiquaque populorum. Nimirum quibus lustrata Italia, vel qui alibi æstus exegerant, aut aliarum civitatum incolæ, inquilini, Romæ denuo congregabantur spectatum imminetia rariora phœnomena. Quid de Italia memoro? venerant aliunde quoque infiniti religionis causâ, & hos inter, qui multorum & omnium mihi instar est, Celsissimus ac Reverendissimus Princeps Venceslaus Leszcinski, Comes de Lesno, Episcopus Varmiensis, nec non Terrarum Prussiæ Præles splendidissimo cum comitatu ex Poloniâ adventabat. Princeps quem nunc Roma omni sermone facundum admiratur: quasi non Istulæ aut Borysthenis sed antiqui Tyberis, simulque Arni, simulque Sequanæ

E incom-

incomparabilem accolam. gratus ex occasione Jubilæi apud Summum Pontificem felicitatis & victoriarum Augusti Regis heic nuntius. gratus apud Cardinalem Nepotem per aulam omnem, & Urbis hospes. Dumque quæ promiscuè largitur, quæ in pauperes erogat, & quæ in vulgus dantur splendidâ magnificentiâ, missilia aurea, Univerſa, ſingula imagine ſereniſſimâ Regiâ, præfulgentia, dum non niſi auspicia regia, pectora Polona ac terga Coſacorum opportunè loquitur, quidni dicam Inviſtiſſimum Regem meum extra imperium, ac quod ſupra omnem pompam eſt & Capitolium, vel abſentem in animis Romanorum nunc triumphare? At, ſi anguſtias chartæ circumſpicio, neceſſe eſt iſta, & quæ alia multa hujus anni, omittere, ut, quæ ipſo die vidimus, ſuccingantur. Terminalia aſſo Jubilæi, & quâ pompâ *FORTA S A N C T A* claudebatur, neque tamen operæ puto jam dicta iterare: & in anteceſſum dico:

dico : heic cum Apertione pleraque eadem. Igitur vigilia Natalis eadem iterum in Vaticano , Cardinalium , Principum congregatio: simili populi multitudine priori quoque pompâ ad Basilicam Petrinam descendebatur. ibi venerari, adorare Pontifex Altaris Sanctissimum : puto inter alia , quod nunc magnus dies magno anno imponendus. Inde ante vultum Sanctum , & cum illo Basilica populosissima , universi singuli porrò congenericulati inclinabantur, ac quamprimum divino simulacro pretiosa levabantur involu-
cra intonabat antiphonam cum jucunditate exhibilis, & hinc ordine solenni Chorus , Episcopi , Archiepiscopi , Patriarchæ. Cardinales præire perque Portam Sanctam exire Templo , ac post omnes ultimò Pontifex : qui vix egressus vultu læto illam respicere, ac quasi adloqui , intonando ista :
*ADſUTORIU M NO-
 STRUM.* &c: Inde cæmenta , lateres qui juxta portam & quibus illa

iterum struenda erat claudendaque
 consacrabat. adstare cum trullâ Archi-
 presbyter Cardinalis, præbere humilli-
 mē cœtera Poenitentarii, alii admove-
 re calcem, alii præportare coctos, tum-
 que Pontifex cincticulo præcinctus
 inchoaturus structionis fundamenta,
 laterem primum congeniculatus solen-
 ni spectaculo ponere: suppositis XII
 capsulis variorum numismatum (quo-
 rum ab una parte imago *INNOCENTII* X. ab altera Portę San-
 ctę & hæc verba *APERUIT, CLAUSIT ANNO* cId Idc
 I. ad perpetuam tantę rei memori-
 am. Hinc ad suggestum reversus la-
 vari manus ordinariis sed pompaticis
 sanè ambagibus. quas inter XII. cœ-
 mentariis Porta struebatur, donec fini-
 tis illis Ille iterum, & spectaculo ite-
 rum valde devoto, pio, submissis in
 terram poplitibus & flexis ad cœlum
 oculis in hæc modulatè prorumpere:
*SALVUM FAC POPU-
 LUM TUUM DOMINE*
 Choro

Choro cœtera persequente. Inde ad Pergulam solitam obstupendæ Porticus, obstupendæ ecclesiæ D. Petri delatus Benedictionem ingenti populo in forma Jubilæi, INNOCENTIUS inquam DECIMUS iterum & extremum (nam nosti verba Petri. NEMO VIDEBIT DIES MEOS & quod illa nunc trahantur) in forma Universalis & Ordinarii ecclesiæ Jubilæi impertiebatur. immensum mox reboante Hadriani mole, votivâ urbe, minimis mediis, maximis, universis, singulis, lætis, exultantibus, adclamantibus *viva Casa Pamfiliæ, viva Innocenzo*. Et hæc de Anno Jubilæo ILLUSTRISSIME COMES qualis qualis mea relatio; imò eloquar clarius, quod Tu senties; desultoria, levis, brevis. ex fide tamen & autopsia (hoc testor) scripta, etsi non ad majestatem tantarum rerum. fateor, fateor. Neque enim dum peregrinamur omnino pla-

Novi
Toscana
nona ant.
Agua m.
nona m.
novi/
l. d. a
9869
4m

nè nostri sumus , & si usquam alibi
 Exteri , certè Romæ inter tot & tan-
 ta , antiqua , nova , distrahimur. Ego
 fanè nonnisi benevolentia Tuâ & jus-
 su fretus conceptus hos inchoatos nunc
 ad Te mitto : & erit porro mihi
 excusando , & esto , precor , angus-
 tia temporis quâ hæc scribellavi ,
 magnitudo argumenti , quod cona-
 tus. Vale. Dabam Romæ X X I V.
 Xbris. h. e. die terminali Anni quem
 dixi Jubilæi , qui in Christianum in-
 cidit c I o I o c l.

Jamque instant quibus ea curatio
 apud Pontificem , ut quod nunc Ro-
 mæ definit Jubilæum , in Gallias ,
 Hispaniam , Germaniam & ad Ar-
 ctoum Orbem nostrum transferatur :
 ut quibus non licuit adire hoc anno
 Romam , ejusdem Jubilæi tamen in-
 dulgentiis ecclesias quattuor civita-
 tum suarum totidem vicibus adeun-
 tes , Universalis Patris , ut adpel-
 lant , beneficia paternè beentur do-
 mi. Sed Tu mihi iterum I L L U-
 STRIS-

JUBILÆO. 103
STRISSIME COMES vale,
& favere, quæso, perge, qui Te
æternùm venerari.

ILLUSTRISSIMI

NOMINIS TUI


prolixo cum cultu


Observantissimus


JOAN. ERNEST.
SCHMIEDEN.


ERRATA.

Pag. 10. lin. pen *nell* leg. *nell'* pag. 11. l. antep.
 de l. de' pag 12. l. 19. venirci p. 13. l. 9. Benzanus
 l. Benzonius. l. 11. l. effato p. 14. post *Parisiu* dele
 punct. p. ead l. 21 all l. all' p 15. l. 23. post *probatam*
 pone punct p 16. l. 1. *anto* l. *santo* l. 12. l. 10 celebrò
 l. 19. Non l. Nam p. 19. l. 3. dele *aliasve* p. 20. post re-
 verterentur p. p p 21. l. 6. fuerunt l fuerant p. 23.
 l. 18. suggestu *fœmininæ* l ult. l. Comites p 24. l.
 20. l in vicem l ult. post *demo'* ebantur p p p 25. l. 5.
 post a *ser. bo* p p l 20. etiam l. Sc jam p 26. tit. AD
 l. DEL 11 l. Pontificalibus l. 16 l. CRIQUIUS p. 27. l.
 9. curiosos p. 32. l. 18 l. imminente l. 10. quæ p. 34. l.
 11. l. Tyrrhenos p 35. l. 6. itineribus p p p 41. l. 23. l.
 Tenuis p. 47. l. 14. majestati p. p. pag 53. lege 4.
 utramque p p pag. 55 l. 9. l Pontificalis Adfinis l.
 20. l. sacello Redemptori l. 24 post *Eminentissimus*
 dele punct. p 60. l. ult. l. in vicem p 64 l. 18. mutatu
 p p. pag. 65 l. 3. l. super l. 23. l e p. 66. l 1 l. que' l. 4
 l. messel. s. l. e p 67. l. 24. motibus p p pag 68. l. 9.
 l celeberrima l. 13. l. inter se l. 16. l Tyrrhenici p.
 69 l ult obnitiendi p. 71 l. r. l. inerebescitibus p.
 71. l. 5 l. Genua l s. afferebantur, p p pag 75. l 10.
 l. il p 77. l. 9. l. Asturco p. 82. l. 6. fin l e, l. 9. l. avanti,
 l. 10. l. *impresa*, l. e l 20 l suppetiis p. 88. l. 12. l. in-
 vecta p 90 l. 1. COMES pone comma, p 98 l 21. l.
 quæ hoc p. 99. l 5. multitudine p p l 16 l. *exhibitu*
 l 18 l. post Patriarchæ dele punct p. 100 l. 15. post
 L. claudatur parenthesis pag. 102. lin. 24. l. bene-
 ficio.









Biblioteka Jagiellońska



stdr0026975

Ad
Asen
12

